

օլէս և տղերսագիրն, զոր առաքեալ էիք առ մեզ սակս
 ստորագրելոյ զայն, առաւել պարզ և բացայայտ կացու-
 ցանէր զինգիրն՝ քան դճամակն ձեր, զի 'ի կողմանս յայ-
 սոսիկ դժուարին եղեւ ընդ գտանել զայնպիսի Հայագգի
 ոք, որ կարող լիցի ըստ օրհնի թարգմանել զայն: Մեք այ-
 ժըմ զայս պատասխանեմք՝ Յորժամ հանդիպեցաք Սրբազ-
 նութեան ձերում, և բանիւ բերանոյ երկար և խորաքնին
 խորհրդով ճառ արկեալ խօսեցաք 'ի վերայ այսր խնդրոյ,
 այլ անկարելի եղեւ մեզ զելս հնարից գտանել, և վշտագ-
 նեալ սրտիւ մեկնեցաք 'ի միմեանց: Եւ յետ այնորիկ ա-
 ռանձին խորհելով զարձեալ ոչ կարացաք գտանել զելս
 հնարից՝ 'ի բաց բառնալ զանկարգութիւնն զայն, զոր ոչ
 մեք և ոչ Սրբազնութիւն ձեր կամիք՝ մի միայն այն է
 դիւրին ճանապարհն՝ զոր յառաջագոյն ծանուցի ձեզ, և
 գրով պատուիրեցի Փոխանորդին մերոյ որ այդր՝ զնոյն
 բան վերստին յայտ առնել ձեզ, կարի յոյժ հաճոյ թուե-
 ցաւ խորհուրդս այս Սրբազնութեան ձեր և աւագամե-
 ծար ազգային իշխանաւորացդ, որոյ վասն յայտ արարիք
 մեզ զչնորհակալիս ձեր: Զմի եւ զնոյն բան գրեալ ազգ-
 արարի յերուսաղէմ Փոխանորդին մերոյ, զի ծանուցեն
 անդ Պատրիարքին և Փոխանորդին և համագգային երե-
 ւելեաց ձերոց, զի եթէ հաճոյ թուեսցի երկուց կողմանց
 վաւերացուցեն զայն և տացեն մեզ տեղեկութիւն: Իսկ
 նոքա կարի յոյժ պատշաճաւոր գտեալ զայս խորհուրդ՝
 ընկալան, մեծի երախտեաց և գոհութեան արժանի հա-
 մարելով՝ յայտ արարին մեզ:

Արդ՝ եթէ հաճոյ թուեցաւ առաջարկութիւնն մեր
 Սրբազնութեան ձերում և ամենեցուն՝ որք ընդ ձեզ են,
 զիա՞րդ հնար է վերստին փոխել զխորհուրդս մեր: Այլ
 այժմ՝ ոչ երկարելով զբանս և ոչ 'ի մէջ բերելով զամե-
 նայն խօսս, գրեմք ահաւասիկ առ Սրբազնութիւն ձեր,
 և ձեօք առ ամենայն պատուարժան աւագանիս. զի եթէ
 Տէր կամեսցի և եկեսցէ օր մեծի և Ս. Պատեքի՝ կատա-
 րեսցին Հանդէսք և արարողութիւնք Ս. Պատեքիս մերոյ,
 որպէս ասացեալ եմք, այսինքն յաւուր շաբաթու ճրա-
 գալուցի կատարեսցուք մեք զհանդէս Լուսաւորութեան
 առանձին ընդ ուխտաւորս մեր միայն, ըստ արամագրու-